

tertiam partem ministrare tenebitur et debet. Nos igitur Conradus episcopus Missnensis praefatus petitionem dicti domini Heinrici de Slinicz³⁾ praepositi — exaudientem non inmerito aestimantes, censum praefatum ad manus nostras — resignatum eidem domino Heinrico, vice et nomine capituli et ecclesiae Missnensis, ac ipsi capitulo et ecclesiae Misnensi in persona sua ad finem, usum et effectum supra scriptum de unanimi eiusdem capituli voluntate pariter et assensu contulimus et nihilominus in his scriptis conferimus — et unimus — proprietatis titulo perpetuis temporibus possidendum. In quorum omnium testimonium praesentem litteram scribi fecimus et sigilli nostri appensione muniri. Datum et actum Mysnae anno domini millesimo trecentesimo septuagesimo quinto, in crastino annunciationis virginis gloriosae, praesentibus honorabilibus, strenuis et discretis viris dominis Jacobo de Cunczindorf officiali, Johanne Mekol⁶⁾ prothonotario, Wyczelino de Pũnkow⁷⁾ marschalco curiae nostrae, Heinrico dicto Spýler capitaneo castris nostri Stolpen, magistro Hermanno de Nova civitate, Gerlaco de Stuchow, Heinrico de Slinicz perpetuis vicariis ecclesiae Misnensis, et Franczkone officiali praepositurae Misnensis, testibus ad praemissa vocatis specialiter et rogatis una cum praemissis⁸⁾ pluribus aliis fidedignis.

Et nos Nicolaus decanus, Palbertus cantor totumque capitulum ecclesiae Misnensis praedictae incorporationi — et dispositioni supradictis nostrum expressum adhibuimus et praesentibus adhibemus consensum et in horum omnium testimonium sigillum nostri capituli praesentibus duximus appendendum.

Nach zwei Ausfertigungen im Stiftsarchiv zu Meissen mit den Siegeln des Bischofs und des Capitels an Pergamentstreifen.

6) Mekol B. 7) Pũnkow B. 8) praemissis fehlt in B.

No. 641. Zwischen 1370 — 75.

B. Conrad II. beklagt sich in einem Rundschreiben an die gesammte Geistlichkeit seiner Diöces über die Unwissenheit und die Anmassung, mit welcher Land- und Ordensgeistliche Beichtenden wider Recht und kirchliche Ordnung Absolution ertheilen auch in solchen Fällen, wo dem röm. Stuhl oder ihm selbst allein und seinen Commissaren die Berechtigung hierzu zustehe, und ordnet eine hierauf bezügliche Abkündigung von allen Kanzeln der Diöces an.

Conradus episcopus Misnensis universis et singulis praepositis decanis archidiaconis ceterisque praelatis, necnon archipresbyteris plebanis viceplebanis altariorumque et cappellarum rectoribus ac personis ecclesiasticis quibuscunque per nostram diocesim ubilibet constitutis salutem in domino sempiternam. Cum pridem in synodo propter plebanorum ruralium nostrae diocesis simplicitatem et ignorantiam ac tam illorum quam plurimorum religiosorum praesumptionem temerariam, qui Christi fideles eis confitentibus a quibuslibet peccatis indifferenter absolvere non verentur, casus episcopales ad nos de iure vel consuetudine pertinentes, de et super quibus pauci vel nulli ad nos seu nostros commissarios hactenus remissi seu remittuntur absolvendi, publicari fecimus et per ecclesiarum plebanos diligenter conscribi et in suis ecclesiis praesente populo singulis diebus dominicis recitari ad finem, ut huiusmodi delictis